

新州志卷之十四

知新州事夏津潘克溥纂修

人物志

正直

法語之言人猶從之矧以身率物與上者服其教次亦畏其知老成典型有裨風化至今存可也志正直明

王泰字德温方正不阿人有假貸不償者輒焚其券子翰歷敎中外所在稱骨鯁人以為有德温之風焉孫

新州志

卷十四

正直

一

儼歷任知府

史朝貞號介臺中萬歷戊子京闈鄉試負性剛直宦成歸里與人言色不苟時事有不便者輒持正議爭之無所避諱鄉里多倚賴而執政亦增畏敬焉

陳華字仁所州諸生潛心於學詩文力追漢唐善訓俗時稱古君子

孔庭訓字聞卿州諸生少負雋才李少司馬及副憲公甚器之諸子姪奉為師生平篤氣誼惡惡甚嚴落落寡所與萬歷丙辰大司農吳公長谷倡議築浮玉磯

建文昌閣紳士推訓爲首事

陳禮號瑞菴少通經史善屬文年十六郡試第一補諸生鄉闈屢躋遂杜門却掃風族以正

嚴政荆府醫士家貧甚好學能詩出入府禁一無所苟荆國重其爲人以田給之年九十卒

陳一元字不息郡諸生其父仁民以疾解組伏枕八年一元善養之人咸稱孝好古籍謝絕賓客言笑一無所苟

沈士望字公輔州諸生才學優長留心時務崇禎間詣

蕪州志

卷十四

正直

二

闕上書名見授兵部叅軍詩詳藝文

陳信號恂齋恂恂謹飭雖獨處必正襟危坐無跛躄容弟書年十八爲諸生窮經至嘔血不輟兄弟學行爲時所重云

胡其志字存雅太學生夙負氣節遇事抗直敢言癸未避賊於蘇家山被執其志曰釋我妻子奉母歸吾願荷戈賊許之行至五里腦默計母可免乃罵賊死妻張氏撫子世煜世炳以節終

陳其効字無功號勤菴讀書數行下爲州諸生有聲明

季賦隨避亂於牌石地方慷慨悲歌坐水中而死
陳其瑜字拱珍存心仁厚居渴口鎮路當孔道雨苦泥
淖出貲數百金修石路建石橋又貧死無殮者施與
喪具捐河西地十餘畝爲義塚山遠近德之明季死
於賊

國朝

張效鍊字治仲思齊孫以副榜授浙江平湖縣丞人不
敢干以私署桐鄉縣篆值歲饑開倉發賑然後上聞
去桐日民勒石紀政後解組歸以正自守梓里憚之

新州志

卷十四

正直

三

王協字恭男號約菴雋才博學由明經授華亭令疎狂
自喜不顯任吏偶與當事齟齬遂拂衣歸居蘄城之
南山以詩文自娛著有約菴集

熊轍字復由幼讀書敦氣節不苟委蛇于時弱冠爲諸
生時多寇難棄筆覲學劍談兵爲左右射崇禎癸酉
丙子兩中武榜授南京守備練兵訓卒慨然以疆圉
爲任

劉匡生字生生正直好義鄉里咸倚重之中順治甲午
鄉試未仕卒子戩諸生孫文起康熙己卯舉人文超

歲貢生曾孫价丁酉舉人

韓宗愈字又昌副宗友次子

恩廕廣西陽朔縣令性

剛直不屑負緣當事會吳逆兵起愈抗節不屈死妻
李扶柩歸葬

張正鼎字若鉉增生弟正璽早逝姪啟疆甫數齡正鼎
撫而教之登康熙乙酉賢書族戚有急常傾囊以助
極力幹濟雖瀕於危不悔捐產作通族祀田綜理家
政庭內肅然子三啟翼另傳

馮以泰字彙升大司寇天馭曾孫州學生性端方兄弟

新州志

卷十四

正直

四

以詩文相砥礪制行悉遵祖訓弟以觀由拔貢任常
寧教諭子煥州學生焜諸生姪炯康熙乙酉副榜

吳善玉字百美太學生操行耿介率子弟以正尤樂施
與里中農有苦無牛者輒買與之嘗載麥泊陳子鎮
值水荒貧民絕食持券乞貸者百餘家玉慨應之如
期往貸者貧難給也遂火其券以歸

王志搏字公遠爲諸生不得志於主司赴國子考授佐
郎尋以疾歸督家政課四子皆成名居常善決事不
少阿曲戚里有屈於理者畏其知好施與出貲建滯

源口螺絲港二涼亭及橋路行旅德之北上時有婦泣於橋詢之乃貧家婦也夫亡翁姑將嫁以自膳訪諸鄰如其言遂見其翁而慨然厚與之囑成其志眾皆感而泣謝焉

張爵字浴亨郡諸生氣慨豪邁不拘繩尺然諾取與雖小必斷以義聞人過輒面責無隱人亦不憾一時比之王彥方云

陳國棟字懷玉號待菴諸生性方嚴不苟同流俗年方十三失母哀感如成人家隸衛籍順治癸巳經畧洪

承疇督師湖南路催漕急時國棟年甫冠侍其父挽運涉大江洞庭之險風惡與湖神盟願就溺無驚乃翁少頃風定卒無患鄰艘咸賴之晚年蒔花種竹招集名流咏歌忘倦年六十七無疾卒

陳正誼字右商號純菴剛直公平不阿流俗中康熙甲子鄉試授辰州府沅州學正當事有缺失正言不諱以丁艱復補授棗陽教諭致仕歸鄉里咸畏重之

田際泰字亨若號端巖郡增生素行端潔族里有紛爭一言解之皆帖服晚乃葛巾芒屨逍遙遊咏有古君

子風

黃錦字雲織爲人有膽畧尙氣節不踰繩尺崇禎癸未賊陷蘄州大肆屠戮錦被執不屈賊壯而釋之順治初爲州諸生四子皆著名

呂呈瑞字輯五文名噪蘄黃間性方嚴倜儻多才排難解紛不遺餘力由例貢授訓導未仕卒子玠另傳

王藻字秀友州諸生以正自守族黨有爭賴其一言康熙癸未舉鄉飲介賓州牧劉顏其堂曰今之彥方

張世升字泰瞻號岱巖承瑞子年十六爲諸生隨父歷

蘄州志

卷十四

正直

六

任閩魯歸日囊橐蕭然閉門守寒素風性直常面斥人是非族黨憚之教四子極嚴出入坐立不假聲色陳欲瑞字覲牧太學生學博常之四子好古能文書法尤工篤施與里中貧不能娶者輒解囊助性質直率族屬以正家政肅然

陳正經字綸章太學生少有籌幹讀書明大義然諾取與雖小必出於正年十五代父理戶事爲族人輸丁費三十年會各屬丁隨糧派經力勦其事爲士民倡州人德之子履申乾隆乙丑進士任貴池知縣

王錦字夔韻號西周永圻次子貢生少能文晚工書法
遊歷江淮貴介咸推重之授荊州府學訓導以老辭
馮熹字彤友天馭元孫州學生臨事不苟族人矜式之
雍正己酉全叔父及弟姪輩捐銀佐修學宮當事以
優行舉

陳肇元字普資州學生數躋棘闈遂拔例入成均考授
縣丞廣交遊重然諾每值歲饑輒減價出售未任卒
張正問字蒙清嘗讀書城南鉢蓮菴至夜分不寐僧憫
之暗爲驅蚊弗覺也中康熙癸巳鄉試分習刑部清

蘄州志

卷十四

正直

七

勤供職守正不阿以勞邁疾卒

陳治猷字贊侯號抒懷士循長子由貢生授應山教諭
歷任三載以正自守不私請謁修學宮獎拔寒俊邑
有陳生者貧而嗜學年五十未娶適生往江南過蘄
治猷父以四十金贈生生大駭曰兒書問中有請助
君娶語勿卻也遂得娶以歸子文獻縣丞文藻光祿
寺署丞

張溥字廷弼號靜菴諸生少嗜學步趨不苟建義塾課
宗族秀良給貧者以膏火復捐金置祀田春秋餘貲

存濟族人

王有信字正誠號恪齋貢生少失怙奉母無違禮教弟以正家素饒貲尚節儉視義爲贏縮時州多創建如修學宮浚隍渠諸務捐千金不惜

王有斐號竹齋少失怙事兄甚謹援例授州同教五子寬嚴有方皆成材性尤好施歲饑減價平糶以濟閭里累捐多金以襄公事乾隆甲子舉鄉飲大賓

張杓字魁先由例監考授縣丞負氣節英資磊落臨事不苟遇人有機辨一以情理折之靡不帖服行誼爲

新州志

卷十四

正直

八

鄉里所重

張協占字咸卜號吉菴州諸生丰采踔厲能文章歷談不遇閉戶著書自娛乾隆甲子公舉鄉飲介賓州牧蔣重其人爲給匾

湯周明字融遠號坦菴太學生家世素封抗直有幹畧見義輒勇爲收郵族鄰常待舉火尤重文章氣誼周明卒州士夫暨宗族鄰里咸爲之哀輓

陳於梁字奕山幼失怙事孀母以孝養得其懽心佐兄理家政事無大小悉稟命行友愛季弟九爲篤至由

太學生考授州同性好施予每值歲歉指困廩減價以糶族黨中貧不能舉火者周給之無德色家本衛籍屯務瑣細勾稽出納一稟於公遇人無少長悉遵禮法

王世泓字希曾號蓮溪州學生負雋才沉潛經史與李生榮善日久往還課詩文暇卽揮麈佐飲相誠勿預外事雍正己酉以優行舉

王鎮字藩臣少攻舉子業試輒前茅旋援例入太學爲人慷慨急公州當事每有刵建多資其力樂施予每

歲必合藥煎膏以療人疾苦歷三十餘年不懈

黃載安字東鎮號墨齋太學生精秦漢篆著有印原十册生平取與不苟急於公事州牧多委任之修學宮浚隍渠及書院諸務載安經營如家事勞瘁卒

李澤湘字荆南性方正嘗謂讀聖賢書期於能行生平言行必法交遊不苟母病不寢不食及卒以哀毀致嘔血尋卒於苫次

張燕字名儼太學生操行耿介有古君子風處族黨以身範物不失尺寸人有過失私畏其知孝事母扶持

抑搔必敬嘗修合濟橋與陳欲珍共捐金數百

張翼字仲恕士淑曾孫以歲貢授咸寧訓導蒞任後約學條數則以身先之士習蒸然不變尋以疾卒於官

王思孟字近聖州學生爲文有逸氣兼工詩賦制行端

方里中優禮之延課子弟研究無虛晷

張世琬字映璧由太學生考授縣丞性剛直爲族里所憚服生平樂施與歲癸亥大饑琬竭廩穀平價以售州牧給額獎之

張元勳字翼周州諸生性直不可犯倡行義舉族鄰有

州志

卷十四

正直

十

公正稱

胡鼎元字登二州諸生與知名士相砥礪學益大進選吉擇地動遵禮法

駱呈玖字輝吉以正自守取與分明設家塾延師課子不聞戶外事

張瑗字則玉太學生居嘗寡言遇排解紛爭輒持正論屈者畏服

胡璿字璿公州諸生自幼不與羣兒伍父母鍾愛之下帷攻苦期振厥家

陳聖泰字子寧州諸生母歿父理家政常抑鬱聖泰善承意旨得歡心婦克相之晚益以正直著

張爲煥字光溥太學生嘗謂讀聖賢書知之非艱行之惟艱篤行誼然諾不苟

張國翼字雲翥諸生性剛直人莫敢以非分干有爭者質之輒解爲州牧李所知欲以優行薦會李擢撫州郡丞去旋卒翼走賻千里且鐫其政蹟以傳晚鑿靈巖寺險以利行人

陳範字叙淇杜門不與外事嘗書朱氏家訓及諸格言

新州志

卷十四

正直

十一

以自警鄉鄰推重

陳視古字鏡書太學生理家政俾諸弟得肆力於學爲人公平正直族鄰推服

易德邁字陶希父時憲門下多俊彥德邁砥礪以成其學因素善病遂精岐黃術生平以禮自持舉動不苟田用中字思舜國學生執父母喪皆如禮事兄如父率子姪以正與兄僕合捐田助書院膏火

裴天明字才高有貧家鬻婦天明給貲完娶之子向化並給田數斗康熙間舉鄉飲

陳鰲號普菴國學生爲戶長以正服人修廟學以經費不敷用多所指墊詳碑記

陳琛字憬菴州貢生性剛正不阿流俗族里事多就正抱曲者望廬而返兄歿撫姪如子

汪鵬字元龍號騰九勤學敏於文中康熙丁酉舉人性方嚴族里咸敬憚之揀選知縣未仕卒

熊慶源字衍長穎敏力學弱冠受知於太守康以大器卜之中雍正乙卯鄉試有介行揀選知縣未仕卒

以上舊志

新州志

卷十四

正直

十三

黃鳴鳳字集三廩生嗜學能文家貧甚不受人餽遺亦不投足豪門其從弟某以墨史生活鳳雖飢不食其食偶遭婦女於道則謂世風不古感而泣下其生平境况惟書床茶鐙清風明月而已

陳良翮字鵬程乾隆乙卯副榜就職教諭年少理戶事建祠興祭正直公平督率子弟講學不倦弟良翰子寶暨蓮孫元甲俱諸生

胡愿字汝誠號謹堂蒸之子生平然諾不苟居鄉以息爭救急爲心會歲凶竭貲運麥以濟貧者飢民賴以

生活以歲貢授荊州訓導訓諸生以人倫學術相勵
年七十二卒於官

袁培松號石齋國學生爲人岸然負異有古高士風讀
書期學聖賢執親之喪不露齒者三年既葬廬於墓
遇國制則易服而泣如喪考妣然兄弟之間財產不
以自私見世俗磨舂爲害著風水本義一書以斥形
家之非居常閉戶絕少知交人罕有識之者

張寅國學生明通正直萬南泉贈有推重鄉國匾額虞
山錢公修志徵爲採訪生子二長良木 恩貢著有

新州志

卷十四

正直

三

松亭文集次良朱入太學積學以內行著鄉黨無間
言學正王賜孝義堪欽額文二子長如輝有還醇山
人詩文集次如照庠生有月軒文集照子意森廩生
意元增生

駱上達號亥峰邑增生少從萬南泉太史游深器重之
與姪庠生見唐國學生見準見儒輩正直見推族鄰
嚴氣正性惡少望而憚之事後母盡孝人無間言晚
歲闕地爲家塾聘師教讀建望岡亭擁翠園植各種
甚多以爲游息之所子天驥孫浦鴻爲邑名諸生會

孫定偉庠生定侯 道光乙未武舉 以上新增

恬退

澹於榮利環堵晏如古稱達觀之士非耶蘄地饒佳
山水蒔花種竹飲酒賦詩又適足寄其徜徉宜夫優
游退處者多也志恬退

明

郝源字本清聰慧端慤長于訓詁於醫數學無不精曉
荆王最雅重之授宮僚不就以子守正貴贈工部員
外郎

蘄州志

卷十四

恬退

十四

陳曰恒字知德號石居散人著有逸興詩稿正德丙子
郡守李素純書行義表其居子仁近仁民另傳

李樸字淳夫正德丙子舉人歷官陝西隴州知州以直
見忤調任不赴退居林下豪放於詩酒數年乃卒祀
鄉賢

王鸞字應期正德年歲貢授餘干縣學訓導陞舞陽教
諭善於課士予告歸猶窮經牖下澹泊寡營兩縣不
能忘各載名宦

陳一賓字用世諸生科舉屢躋遂豪放自如時聚族人

說家法著有元緝野人集

胡世則號乾封萬歷間官至雲南府太守有聲予告歸日惟常餼鄉居自適

陳仁民字守治號龍岩由廩生就例貢授新喻王簿及致政家居不殊布素端方誠篤里中稱爲長者晚與弟仁近杜門却掃詩酒自娛不與外事

王允隆字爾錫性穎敏能文章甫成童爲諸生凡七試省闈不售食廩餼曹偶推重終以例貢得補丞佐不屑就出處無愆尺寸著有鷓枝館蓼堂等集

新州志

卷十四

恬退

五

陳吾惻字大誠號朗舉州副榜仁近長孫母周氏工文詞嘗築臺舍側教惻兄弟無故不令下惻益究心典籍著作甚富存者僅三角山會龍池記

國朝

李具慶字亞白兵憲樹初次子博極羣書爲州學生值獻寇陷斬全家罹難具慶被劊妻嬰劊負之行

國朝定鼎歸居湖上防道呂廷入雲門社與曼東白華二人主盟文壇終絕意仕進晚號懷二著有芸香草荷汀等集

張承俊字克灼州諸生布政邦翼孫同知效葵第三子
善塗咏兄承位令桐鄉每省視必艤舟西湖詠懷古
蹟卷軸至盈篋晚號杏園老人

李本淑字心尼號松筠孟春孫楨之子由文學入監考
授州判以親老不仕性謹厚行中禮法晚癖山水築
室於桂花亭教子讀先世遺書詩酒自娛不履城市
陳其功字銘常諸生弱冠卽有文譽嘗謂文不先行篤
修門內爲族屬矜式

張士灝字鄉遠歲貢生工詩文試輒冠軍性豪爽每酒
酣吟咏不休築園於城北顏曰梅隱晚益刻苦爲詩
子樞另傳次柎諸生工詩書法尤精

李士俊字潤文號於英炳然從弟從遊於澹巖仇懷諸
公時加磨礪駸駸有得扁其居曰鶴原石室吟咏以
老著有鶴原集

顧普字康侯景星長子州諸生性純孝母蕭氏病篤顛
天祈禱願以身代母歿一痛幾絕父歿亦如之

張梓字琴質歲貢生才學優長文祖唐宋八家晚乃豪
放山澤間有物外吟集

陳文炳字兩則時流寇蜂起炳鳩集居民扼險設伏賊不能害無意科名以明經老

李之珖字寶次弱冠爲州學生祖樹初伯延慶死於難珖承伯祀伯有二女一適貢生馮揖一適舉人張承位凡遺產與二女三分之篤行誼不入公門

陳其勗字彥臣博學不求榮進課子姪敦崇實行年八十州牧遲舉鄉飲賓

胡之偉字偉甫歲貢生苦讀書爲文必準繩墨屢躋鄉闈遂絕意科目作隴上吟

新州志

卷十四

恬退

七

陳吾愷字仲悌郡諸生仁近次孫少與兄吾惻同師母教嗜學好古工於聲律並妙書法著有响嘯草堂詩集藏於家

石爲璘字璠生號野航州諸生先世河南鄧州人父中玉以功授粵西叅將卒於任璘幼隨母扶櫬過蘄蘄營叅將爲姻舊遂家焉長從顧黃公遊凡詩文親承指授有野航草尤工書法性閑適輒一琴自隨時比之曼卿云

葉玉成字崑最性穎悟年十二補諸生短檠風雨讀書

至夜分不倦蒔花種藥清趣自適

張仕厚字存古仕渾之弟讀書多冥會歛迹下帷不喜見賓客以歲貢司訓荊州府未久告歸舉鄉飲大賓顧秉恪字丹懷號滄洲州學生試輒高等築室於後嵩園擁書據案教授生徒多所成就不輕與讌會當事聞其名非公不見益重之

方彭蠡字石鐘號東涯歲貢生博學能文構室江干棲遲以老著有廻瀾集

田再高字寧宇明季亂棄妻子負父宗潢得免

新州志

卷十四

恬退

六

國初土賊馬連山鄭鼎生等踞將軍山仙人臺爲民害再高練鄉勇擊退之授職不就隱居教子弟以老李澤兌字振秋本淑長子性穎異十歲能文弱冠以第一補諸生博極羣書詩古文詞名噪蘄黃間有文集藏於家

饒斌秦字文安少貧無力就外傳受孝經論語於其母稍長學益進爲名諸生以歲貢司訓竹山循循善誘其邑自是多文學卒於任貧不能歸遂籍焉

李永昇字志南號青郊申康熙庚午鄉試性豪爽英敏

絕倫與同里張士渾馮以觀顧昌相友善每讌集賦詩節響清越慷慨悲歌聞者壯之著有若鳧村集

王開翰字守東號杏橋少穎異十七爲諸生同伯兄開泰讀書洪山寺秦選庶常翰數竒弗售與秦愚圃張另齋輩文酒往還年四十一卒

鄭裔周字邵曾號闕吾州諸生早失怙恃刻志讀書屢躓場屋遂放懷詩酒於同輩中稱豪士焉

李生彬字雉文少能文試童子第一補諸生友愛諸弟門內怡然晚乃棲遲湖上以明經終

衢州志

卷十四

恬退

九

何光義字臣極州諸生獻賊屠斬闔門焚殲惟義獨存遂灰心仕進終日杜門焚香默坐罕有接其言笑者李國華字耀字貢生明季賊勢猖獗國華負母至深山避亂兩弟幼被掠復計脫之人稱其孝

馮應舉字伯貞居心忠厚癸酉年賑饑又捐募關口河渡田當事請獎力辭不樂名譽隱居山林

黃天祐字貞符州諸生篤於學後結廬於濟邑之青林湖與舒峻極劉千里詩社往來屏棄一切

王興炳字孟堅弟興鐘字金聲永墟子炳諸生鐘太學

生兄弟孝友雍睦之氣溢於庭間外事無所與

張鏡字研修由諸生就例貢敦厚周慎不苟言笑晚猶嗜學手一卷無間寒暑後輩敬憚之

張樞字鴻緒號紫垣州學生少負大志屏棄一切讀書

梅隱園終日夕不倦善書工吟咏著有矩軒詩集

李永寧字萬咸性醇謹喜讀書下帷攻苦人罕見其面以明經老

陳起書字公昇性穎敏讀書目下數行後以文就武試

壬午科獲售書素饒方畧有膽氣然守法度足未嘗

一履城市

呂玠字全蜀號濟川康熙戊子武舉公車一上不復圖

榮進建星聚堂課子若孫妹適劉早寡璿爲資掖撫

其二子妹得終節子三孫士模乾隆壬申舉人

王學喬字洪土工舉子業爲州諸生中年卽無仕進意

吟風弄月寄傲於蒼松白石間

董堪字亦伸恩貢父文獻諸生年九十堪年七十不異

孺慕以授徒世其業不與外事

李承先字黃序郡諸生家貧嗜學長於訓詁治壁經者

多由指授

熊楚荆字漢南號玉山州學生爲詩有聲晚構別業潔
清白處詩見雨湖合刊

黃載華字砥南號鹿亭太學生性恬靜喜讀書質弱冬
夏不鑪扇日手一編兄弟相摩勵善詩古文詞雨湖
七子華與弟嶠皆與焉年六十六卒子式鵬尋卒孫
承堅梓其梧岡詩文及咏史百花吟等集

王開文字超儒號天峯州諸生操履篤實有古君子風
性敏悟能文章家居教子姪以文行相勉勵乾隆乙

蕪州志

卷十四

恬退

三

丑學使者采其優行

張世永字卜周篤學能文弱冠爲諸生屢困棘闈遂放
懷山水年逾八十

陳鴻猷字襄侯士詹次子少穎異九歲能文章嘗讀書
城北宛中菴屏棄一切由國子生考授縣丞以疾未
仕卒

王思述字宜山太學生父學古病足述扶杖納履不以
人代妹早寡爲購屋割膏田百畝與之撫其子成立
築南岡別業蒔花種竹其中有泉石之癖云

陳大孚字容吉州諸生素剛正不阿人有過失直言相規不少假辭色晚年澹於世故筆床硯匣終日自隨於經義多所發明

張炳文字崇姬號郁齋由例監考授州同所行一軌於正晚築別業觴咏其中以一經遺其子不與外事
王世治字傳霖號雲區少能文就例以州貳謁選都中間母病趣歸踰年母歿遂無復仕進意築南山樓焚香獨坐不伍塵俗

陳國疑字襄州郡諸生少有文名比長學益博洽順治

新州志

卷十四

恬退

三

丁酉中副車自是屏跡山林詩酒嘯咏以終

范公連號半園謹厚恬退閉戶謝塵以書法自娛非義不苟年七十足跡不入公庭里人推鄉祭酒焉

陳之壘字北垣肇元長子少爲諸生後入例貢季弟於柱夫婦早亡之壘撫兩姪如子

王世溥字量周例貢生少聰穎善屬文沉靜嗜學一時從遊者遍閭里循循稱善誘焉

陳可坦字履吉郡庠生磊落有大志文酒談讌恢諧不減晉人年三十餘卒所爲詩不自收拾多散佚人咸

惜之

駱三捷字克明好讀書年六十手不釋卷督課家塾

陳於棠字萼華號實齋由太學生考授州同爲人豪俠重義不就選詩酒自娛栖息林泉以老

陳夢蘭字魯奇諸生資敏嗜學鍵戶讀書足不履城市喜獎藉後學晚年寄情山水詩酒自娛年九十卒

余正古字道平歲貢生母年八十正古年六十依依孺慕工舉子業遊於門者甚衆

陳坎字帝因性謹篤不輕然諾建祠置產族衆多倚賴

蕪州志

卷十四

恬退

三

之爲諸生有聲以明經老

王柯字育萬歲貢生居處深山好古籍以幽人自命搨管爲文詞饒有逸致

王世沅字靈湘力學不售就例入國學生家居篤宗族之誼遇非禮不動聲色怡情山澤晚字澹齋

駱藻字正音州學生性溫敏耽酣經史隨所往必携書以行著有訥齋草門下成材者甚衆

胡應虞字文際號續齋州學生卜地一區築室一楹讀書其中無子卒家人卽室爲葬所

以上舊志

張申字聖懷以明經授穀城學博勤校課一時多知名
士子舉人兆講先卒遂無仕進意歸築耕月山房數
椽植松種竹詩酒自娛自號松崖老人善詩古文詞
草書逼真懷素年七十六卒著有耕月山房詩集待
刊

陳綱文字心田號素吾天資英銳博覽羣書善屬文尤
工書法律謹嚴造句有唐人風味與陳愚谷吳巳山
兩先生爲道義交視名利淡如隱居教子課孫以詩
文自娛著有素吾詩草待刊子本中登賢書孫之原

蕪州志

卷十四

恬退

十五

連振俱庠生

陳其殷字楚奎弱冠補弟子員鍵戶讀書久不赴鄉闈
庚午師友強就試遂獲雋一試春官未售絕意進取
銓選知縣不就日以經史自娛著有知鑒錄五十六
卷續綱目八卷讀史餘言二卷善病精岐黃著有脈
法指掌經絡會解古方辨略新方解畧醫學指要等
書藏於家

李承洛號壺壺幼慧十齡應州試列前茅後登嘉慶戊
辰賢書授鄖西縣教諭終養告歸性癖湖山而淡於

宦情結廬雨湖南岸嘗作垂釣圖以自娛生平所作詩古文詞不肯自存其稿僅留匡廬紀遊草一卷藏於家

胡鴻然字明卿號史逸山人恬靜簡質有儒者風三十餘歲舉子業遊心藝苑不預外事著有讀史管見十卷一拳堂集十二卷待刊

駱浦宜號醇菴布衣篤志學問視名利淡如著有事物尋源三卷蕉鹿詩草四卷古今詩翼十四卷一秤金一卷

蕪州志

卷十四

恬退

三

陳洪綽字德優幼穎悟博極羣書弱冠時即絕意進取族丁繁督修宗譜歲事後築鮎山別業詩酒自娛不與外事子光誥孫立言俱庠生

宋人龍號心齋國學生宅心以厚接物以公惟尊師重道尤爲人所難及其兄隆壽好施與淡功名族儔亦同聲稱之

何天評號退谷州諸生爲人沉靜寡言尤篤於孝友常鍵戶不與外事故自少至老足跡未嘗一履公庭年踰八十猶以讀書爲樂將告終臨期囑家人勿他適